

Sakspapir

Sakshandsamar	Arkiv	ArkivsakID
Anne Kristin Rafoss	FE-010	18/200

Saknr	Utval	Type	Dato
004/2019	Valstyret	PS	29.04.2019

Førehandsrøysting ved kommunevalet 2019 og val av røystestader

Rådmannen sitt framlegg til vedtak:

Førehandsrøysting ved kommunevalet 2019 vert lagt opp slik:

Kommunehuset	12.aug – 6.sept	09:00 – 15:00
Biblioteket på Matre	torsdag 29.aug	13:00 – 18:30
Sjukeheimen	tysdag 3.sept	10:00 – 12:00
Biblioteket på Hosteland	tysdag 3.sept	13:00 – 19:00
Butikken på Hosteland	fredag 6.sept	12:00 – 18:00
Butikken på Kvingo	fredag 6.sept	12:00 – 18:00
Butikken på Haugsvær	fredag 6.sept	12:00 – 18:00

Frist for å søke om ambulerande røysting vert tysdag 3.sept kl 08:00

Rådmannen får fullmakt til å justere på opningstidene viss opningstidene på butikkane eller biblioteket endrar seg.

Saksopplysningar:

Bakgrunn

Vallova fastset at tidlegrøysting ved kommunevalet skal vere i perioden 1.juli til den ordinære førehandsrøystinga startar, jf vallova § 8-1, pkt (4).

Vallova fastset at førehandsrøysting ved kommunevalet skal vere i perioden 10.august til

6.september, jf vallova § 8-1 pkt (1) og (2).

Vallova fastset av førehandsrøysting skal gå føre seg i eigna og tilgjengelege lokale, jf vallova § 8-3 pkt (1). Det er og fastsett i lova at det skal vere førehandsrøysting på helse- og sosialinstitusjonar. Andre førehandsrøystingsstader vert der valstyret bestemmer, jf vallova § 8-3 pkt (2).

Vallova fastset av dei som grunna sjukdom eller uførhet ikkje kan avgje stemme ved førehandsrøystingsstadane eller på valtinget, kan søke valstyret om å avgje førehandstemme der dei oppheld seg (ambulerande røysting), jf vallova § 8-3, pkt (6).

Fakta

Ved stortingsvalet i 2017 var det mogeleg å førehandsrøyste på kommunehuset i heile førehandsperioden. Siste veka før valdagen var det mogeleg å førehandsrøyste i biblioteka sine opningstider. I tillegg var det mogeleg å førehandsrøyste på butikkane på Haugsvær, Kvingo Hosteland fredag før valdagen.

Evaluering av gjennomføring av førehandsrøysting for stortingsvalet viser at oppsettet fungerte godt bortsett frå at det vart lågt frammøte på biblioteket på Matre. Dette kan skuldast at førehandsrøystinga på biblioteket var lagt til torsdagen før førehandsrøystinga på butikken på Haugsvær.

Vurdering

Tidlegrøysting

Tidlegrøysting vert berre mogeleg på kommunehuset i perioden 1.juli til og med 9.aug. Den som vil tidlegrøyste må avtale dag på førehand sidan røysteperioden er i ferietida. Dvs at ein ikkje kan krevje å få tidlegrøysta viss ein berre møter opp utan avtale. Rådmannen reknar med at ein skal kunne ta i mot tidlegstemmer i 3 av 5 vekedagar i sommarveke.

Førehandsrøysting

Førehandsrøystingsopplegget i samband med kommunevalet 2019 fungerte godt bortsett frå at det var lågt frammøte på biblioteket på Matre samanlikna med opplegget for tidlegare år. Rådmannen rår difor til at ein vidarefører opplegget for førehandsrøysting frå stortingsvalet til kommunevalet 2019 men ein flyttar førehandsrøystinga på biblioteket på Matre fram ei veke.

Ambulerande røysting

Det er valstyret som fastset frist for at søknad om å få røyste heime skal vere komen til kommunen, men valhandboka fastset at fristen skal setjast til eit tidspunkt mellom tysdag og fredag den siste veka før valet. Rådmannen rår til at fristen vert sett til tysdag 3.sept kl 08:00 men at hovudtilbodet om ambulerande røystein formidla gjennom heimetenesene, vert gjennomført i veke 35.

Konklusjon

Basert på forutsetningar i vallova og erfaringa frå dei siste kommune- og stortingsvala vert førehandsrøysting ved kommunevalet 2019 lagt opp slik framlegg til vedtak viser.

Valstyret - 004/2019

VS - behandling:

Saka vart drøfta.

Framlegg til vedtak vart samrøystes vedteke.

VS - vedtak:

Førehandsrøysting ved kommunevalet 2019 vert lagt opp slik:

Kommunehuset	12.aug – 6.sept	09:00 – 15:00
Biblioteket på Matre	torsdag 29.aug	13:00 – 18:30
Sjukeheimen	tysdag 3.sept	10:00 – 12:00
Biblioteket på Hosteland	tysdag 3.sept	13:00 – 19:00
Butikken på Hosteland	fredag 6.sept	12:00 – 18:00
Butikken på Kvingo	fredag 6.sept	12:00 – 18:00
Butikken på Haugsvær	fredag 6.sept	12:00 – 18:00

Frist for å søke om ambulerande røysting vert tysdag 3.sept kl 08:00

Rådmannen får fullmakt til å justere på opningstidene viss opningstidene på butikkane eller biblioteket endrar seg.